

Obavijest o Odluci visokog predstavnika da ukine zabranu izrečenu Branki Dadić Odlukom visokog predstavnika, br. 99/01

Svojom Odlukom br. 99/01 ("Odluka br.99/01"), visoki predstavnik je smijenio sa javne dužnosti gospođu Branku Dadić. Odlukom br. 99/01 također je zabranjeno g-đi Dadić obnašanje bilo koje zvanične, izborne ili imenovane javne dužnosti, kandidiranje na izborima i obnašanje dužnosti u političkim strankama ("zabrana"). Odlukom br.99/01 je dalje izričito utvrđena mogućnost ukidanja zabrane prema isključivom nahođenju visokog predstavnika.

Na osnovu pažljivog razmatranja predmeta g-đe Dadić i nakon što je zaključeno da više ne postoje razlozi za njeno smjenjivanje, te da ona više ne predstavlja prijetnju za provedbu mira, institucionalnu cjelovitost odnosno demokraciju u Bosni i Hercegovini, odlučio sam da ovu zabranu ukinem. Branki Dadić se ovim izričito dozvoljava obnašanje zvanične, izborne ili imenovane javne dužnosti, kandidiranje na izborima i obnašanje dužnosti u političkim strankama.

Ovakav ishod opravdavaju načela pravičnosti, pravilnog upravljanja i razboritog ispunjavanja međunarodnog mandata visokog predstavnika, kojima se uzima u obzir ravnoteža između zaštite državne stabilnosti i prava pojedinaca.

Ovom Odlukom ne stavlja se u pitanje validnost odluke iz 2001. godine. Ovom Odlukom se ne ovlašćuje g-đa Dadić da se

automatski vrati na dužnost sa koje je smijenjena na osnovu Odluke br. 99/01. Također, ovom Odlukom, njoj se ne daje pravo na odštetu po osnovu bilo koje naknade, drugih oblika neostvarenih novčanih beneficija ili privilegija odnosno statusa koje je izgubila kao rezultat Odluke br. 99/01.

Ova Odluka ne predstavlja amnestiranje nego prospektivno ukidanje Odluke br.99/01. Odluka br. 99/01 se ne briše i ostaje integralnim dijelom zakonodavne evidencije Bosne i Hercegovine.

Ovom Odlukom se ne utječe na pravo visokog predstavnika da ponovno smijeni g-đu Dadić ukoliko se ustanovi da je ona, tijekom budućeg obnašanja javne dužnosti, prekršila svoju prisegu da će poštivati Ustav Bosne i Hercegovine i postupati u skladu s Općim okvirnom sporazumom za mir u Bosni i Hercegovini, prisegu koja je slobodno data kao uvjet koji prethodi ukidanju zabrane.

Ukoliko su odredbe ove Odluke u suprotnosti s domaćim zakonodavstvom po bilo kojem od predmeta koji su njom obuhvaćeni, ova Odluka će biti mjerodavna. Odluke visokog predstavnika imaju veću pravnu snagu i prednost u odnosu na domaće zakonodavstvo koje je s njima u suprotnosti. Ovom zakonodavnom izjavom se deklarativno obuhvaćaju postojeće i buduće odluke visokog predstavnika.

Ova Odluka stupa na snagu odmah i ne zahtijeva poduzimanje nikakvih dodatnih proceduralnih radnji.

Ova Odluka se objavljuje odmah u "Službenim novinama Federacije Bosne i Hercegovine".

Sarajevo , 29. travnja 2005.
Paddy

Ashdown

Visoki predstavnik